



苑詩類選卷之九

明監察御史包節輯按察司知事前給事中王交校
應令應教部

○侍宴新亭應令

梁簡文帝

神襟愍行邁岐路愴徘徊遙瞻十里陌旁望九成臺鳳
管流虛谷龍騎藉春芳曉光浮野映朝煙承日迴沙文
浪中積春陰江上來柳葉帶風轉桃花含雨開聖情蘊
珠綺札命表英才顧憐砒砒質何以儷瓊瓌

和湘東王首夏

同前

冷風雜細雨垂雲助麥涼竹水俱蔥翠花蝶兩飛翔燕

泥銜復落鷓吟歛更揚卧石藤為纜山橋樹作梁欲待
華池上明月吐清光

餞廬陵內史王脩應令 同前

餞行臨上節開筵命羽觴迴池瀉飛棟濃雲垂盡堂踈
槐未合影返日漸流光園梅斂新藻階蕙結初芳

侍宴餞陸倕應令 劉孝威一作蕭子顯

儲皇餞離送廣命傳羽觴侍遊追曲水開宴等清漳新
泉已激浪初沸始含芳雨罷葉增綠日斜樹影長

餞張惠紹應令 劉孝綽

鮮雲積上月凍雨晦初陽迴風飄淑氣落景換新光竹

萌始防露桂挺已含芳瑤庭變柱若玉沼發攢蔣聖
惜收路曲宴關蘭堂

侍宴應令二首 庾肩吾

沐道逢將聖飛觴屬上賢仁風開美景瑞氣動飛煙秋
樹翻黃葉寒池墮黑蓮承恩謝命淺念報在身前

其二

副君時暇豫曾城聊近遊清池寫飛閣踈樹出龍樓北
陸水方壯西園春欲收梅心芳屢動蒲節促難抽徒然
頽並命無以廁應劉

侍宴宣猷堂宴湘東王應令

陳王駿駕返副后西園遊並命登飛閣列坐對芳洲桂
岩逢暮序菊水值窮秋竹逕簫聲發桐門琴曲幽徒奉
文成誦空知思若抽

前人

從皇太子出玄圃應令

前人

春光起麗譙履步陟山楸閣影臨飛蓋鷺鳴入洞簫水
還登故渚樹長合前橋綠荷生綺葉丹籐上細苗顧循
慙振藻何用擬瓊瑤

侍宴宣猷堂應令

前人

副君德將聖陳王才揆天歸來宴平樂置酒對林泉

香雜山氣殿影入池蓮豔舞時移節新歌屢上絃聽曲
慙迴顧思經徒欲眠

侍宴餞湘東王應令

前人

陳王從遊士高宴入承華並載同連璧雕文類揀沙落
猿時動樹墜雪暫搖花念此離筵促方愁別路賒

奉和太子納涼梧下應令

前人

北園涼氣早步輦暫逍遙避日交長扇迎風列短簫山
帶彈琴曲桐橫棲鳳條懸門開溜水錦石鎮浮橋黑米
生菰葉青花出稻苗無因學仙藻雲氣徒飄颻

奉和春夜應令

前人

春牖對芳洲珠簾新上鈎燒香知夜漏刻燭驗更籌天
雞下北闕織女入西樓月皎疑非夜林疎似更秋水光
懸蕩壁山翠下添流詎假西園讌無勞飛蓋遊

錢張孝摠應令

前人

江上早寒生蕭條鏡管清別筵開帳殿離舟卷幔城前
山黃葉起對岼白沙驚臨渦同極望竊吹愧才輕

征虜亭送新安王應令

張正見

鳳吹臨南浦神駕餞東平亭迴漳水乘旆轉洛濱笙地
凍班輪響風嚴羽蓋輕燒田雲色暗古樹雪花明岐路
一回首流襟動睿情

山池應令

徐陵

畫舸圖仙獸飛艫挂采旂榜人事金漿釣女理銀鈎細
萍時帶楫低荷乍入舟猿啼知谷晚蟬噎覺山秋

奉和夏日應令

庾信

朱簾卷麗日翠幙蔽重陽五月炎蒸氣三時刻漏長麥
隨風裏熟梅逐雨中黃開冰帶井水和粉雜生香衫含
蕉葉氣扇動竹花涼早菱生軟角初蓮開細房願陪仙
鶴舉洛浦聽笙簧

賦得翠石應令

蕭推

依峰形似鏡構嶺勢如蓮映林同綠柳臨池亂百川碧

苔終不落丹字本難傳有邁東明上來遊皆羽仙

宴樂脩堂應令

江揔

肅城通甲觀承華啓畫堂北宮降恩賞西園度羽觴殊
私奉玉裕終宴在金房庭暉連樹彩簷影接雲光仙如
伊水駕樂似洞庭張彈絲命琴瑟吹竹動笙簧庸踈濫
應阮衰朽惡連章

賦得一日成三賦應令

前人

副君睿賞適清夜北園遊下筆成三賦傳觴對九秋飛
文綺縠采落紙波濤流樹密寒蟬響簷暗鵲聲愁綠淑
明層殿青山照近樓此時盛禮物顧省良若抽

新入姬人應令

前人

洛浦流風漾淇水秦樓初日度陽臺玉軼輕輪五香散
金燈夜火百花開非是妖姬度江日定言神女隔河來
來時向月別姮娥別時清吹悲簫史數錢拾翠爭佳麗
拂紅點黛何相似本持纖腰惑楚宮暫迴舞袖驚吳市
新人羽帳挂流蘇故人網戶織蜘蛛梅花柳色春難遍
情來春去在須臾不用庭中賦綠草但願思着弄明珠

奉和悲秋應令

蕭愨

秋天擬文學秋水擅莊蒙草濕蕪葭露波卷洞庭風便
坐翻桑葉長坂歇蘭叢簷喧猶有燕陂靜未來鴻蟬唱

聞疑斷池清映似空劉安悲落木曹植嘆征蓬重明豈
凝滯無累在淵冲隨時四序合應物五情同發言形惻
隱睿作挺神功下材均朽木何以慕雕蟲

奉和初秋西園應令

前人

池亭三伏後林館九秋前清泠間泉石散漫雜風煙
開千葉影榴豔百枝然約嶺停飛旆凌波動畫船

巢王座韻得餘字

薛昉

平臺愛賓友逢掖齒簪裾藉卉懷春暮開襟近夏初嫩
枝猶露鳥細藻欲藏魚舞袖臨飛閣歌聲出綺䟽莫慮
歸衢晚馳輪待興餘

侍宴東宮應令

于仲文

銅樓充震位銀榜集嘉賓青宮列紺幃紫陌結朱輪絃
調寶瑟曲歌動畫梁塵金卮傾斗酒瓊筵列八珍花驚
度翠羽萍散躍頰鱗承恩叨並作扣寂繞陽春

侍皇太子宴應令

沈君道

副君監撫暇禁苑暫停車水落金沙淺雲高玉葉踈隨
厨白羽駕逐釣紫鱗魚飽德良無已榮陪終宴餘

又

劉端

睿賞叶春芳開筵臨畫堂庭梅飄早素簷柳變初黃八
珍羅玉俎九醞湛金觴箏響流飛閣歌塵落妓行何必

西園夜空承明月光

奉和同太子監守違戀

韓王元嘉

乾象開層構離明啓少陽卜征從獻吉守器屬元良
逖矣凌周誦遙哉掩漢莊好士傾南洛多才盛北場
地分丹鷲嶺途間白雲鄉儲誠虔曉夕宸愛積炎涼
珠璧連霄漢萬物仰重光

又

薛元超

儲禁銅扉啓宸行玉輅遙空懷壽街吏尚隔寢門朝地
首瞻龍戟空中想鳳鑣飛文映仙榜瀝思叶神飈帝念
紆蒼璧乾文煥紫霄歸塘橫筆海平圃振詞條欲應重

輪曲鏘洋韻九韶

奉和長春宮應令

虞世南

瑤山盛風樂南皮務逸遊何如事巡撫民瘼諒斯求
文鶴揚輕蓋蒼龍飾桂舟泛沫紫沙嶼寒澌擁急流
路指八仙館途經百尺樓眷言昔遊踐迴駕且淹留
後車喧鳳吹前旌映彩旂龍驂駐六馬飛閣上三休
調諧金石奏歡洽羽觴浮天文徒可仰何以廁琳球

追從鑾輿夕頓戲下應令 前人

重輪依紫極前耀奉丹霄天經戀神宸帝命扈仙鑣
乘星開鶴禁帶月下虹橋銀書含曉色金輅轉晨飈
霧徹

軒營近塵暗斗城遙蓮花分秀萼竹箭下驚潮撫已慙
龍幹承恩集鳳條瑤山盛風樂抽簡薦徒謠

奉和出穎至淮應令

前人

良晨喜利涉解纜入淮潯寒流泛鷓首霜吹響哀吟潛
鱗波裏躍水鳥浪前沉邗溝非復遠悵望悅神襟

奉和禁苑餞別應令

褚亮

大藩初錫瑞出牧邇皇京暫以綠車重言承朱傳榮舒
桃臨遠騎垂柳映軍營惠化宣千里威風動百城禁禦
芳春節神襟餞送情金徒催別景玉管切離聲野花開
且落山鳥弄還驚微臣夙多幸薄宦奉儲明釣臺慙作

賦伊水濫聞笙懷德良知久酬恩識命輕

奉和初春出遊應令

李百藥

鳴笳出梁苑飛蓋下芝田水光浮落照霞彩淡輕煙柳
色迎三月梅花隔二年日斜歸騎動餘興滿山川

春日出苑遊矚

唐玄宗

時皇太子作

三陽麗景早芳辰四序佳園物候新梅花百般障去路
垂柳千條暗迴津鳥驚直為飛風葉魚沒都由怯岍人
唯願聖主南山壽何愁不賞萬年春

和前應令

張說

禁林豔裔發青陽春望逍遙出畫堂雨洗亭皋千畝綠

風吹梅李一園香鶴飛不去隨青管魚躍翻來入綵航
睿賞歡承天保定道文更覩日重光

又

賈會

銅闌曉闢問安迴金輅春遊博望開渭水晴光搖草樹
終南佳氣入樓臺招賢已從商山老託乘還徵鄴下才
臣在東周獨留滯忻逢睿藻日邇來

皇太子頻賜存問并索唱和新詩因有陳謝

釋廣宣

望苑招延後禪扉訪問餘紙言俟文雅何意入庸虛率
性多非學緣情偶自書清風聞寺響白日見心初重道

逢軒后崇儒過魏儲青宮列梗梓玄圃積瓊琚鄭鼠寧
容者齊等久捨諸空懷受恩感含思幾踟躕以上應令

○和晉安王薄晚逐涼北樓迴應教

庾肩吾

向夕紛誼屏迎涼飛觀中樹影臨城日窓含度水風遙
天如接岼遠颿似凌空陪文慙宋玉徒等待蘭宮

詠胡牀應教

前人

傳名乃外域入用信中京足歌形已正文斜體自平臨
堂對遠客命旅誓初征何如淄館下淹留奉盛明

奉和汎舟漢水往方山應教

前人

桂棹沙棠船飄揚橫大川映巖沈水底激浪起雲邊迴
岫高花發春塘細草懸陪歌承睿賞接醴侍恩筵誰云
李與郭獨得似神仙

詠水應教

沈君攸

日華照水彩灼爍自相明陰潭欲半解陽岸已全輕未
釋苔文隱將銷草氣生稍得觀魚上非獨見狐驚倘逢
魏后術當驗可為城

從籍田應衡陽王教五首

張正見

帝京惟赤縣神居應紫微塗山萬國仰滄海百川歸東

郊事平秩仲月祀靈威含光開早扇闔闔啓朝扉

其二

洛城鍾漏息靈臺雲霧卷森森虎戟前靄靄鑿旗轉屬
車遊絳闕風鳥度丹巘帳殿幸金輿旌門擁玉輦

其三

玉輦帶緋煙金輿映綠川兩師清遠路風伯靜遙天今
渠通沃野激水入公田草發青壇外花飛蒼玉前

其四

蒼玉臨珪璧青壇躬帝籍冒櫛乃三推齊衡均百辟蘭
塲儼芝駕桂圃芳瑤席山禽韻管絃野獸和鐘石

其五

鐘石既相和江海復無波梁客簪裾盛陳王文雅多脩
塗參弱駘喬木間輕蘿幸承溫吹末擊壤自為歌

秋夜應衡陽王教

前人

睢苑涼風入章臺雲氣收螢光連燭動月影帶河流綠
綺朱絃泛黃花素蟻浮高軒揚麗藻即是賦新秋

詠雪應衡陽王教

前人

九冬飄遠雪六出表豐年睢陽生玉樹雲夢起瓊田入
窓輕落粉拂柳駛飛綿欲動淮南賦亂下桂花前

奉和賦得池應教

前人

遙天收密雨高閣映奔曦雷盡青山路冰銷綠水池春
光落雲葉花影發晴枝琴尊奉終宴風月豈云疲

北園新齋成應教

庾信

虹粉跂鳥翼山節拱蘭枝畫梁雲氣繞彫窓玉女窺月
懸難返照蓮開長倒垂盤根細壞石行雨暴澆池長藤
連格徙高樹帶巢移鳥聲唯雜曲花風真亂吹白虎題
書觀玄熊帖射皮文絃入舞曲月扇掩歌兒玉節調笙
管金船代酒卮若論曹子建天人本共知

賦得微雨東來應教

諸葛穎

微雨閭東峰散漫灑長松澗滿新流濁山霑積翠穠風

起還吹燕雲來本送龍登年隨玉燭名山定可封

奉和望山應教

蕭愨

仙遊本多趣復此上秋初岩低石倒險嶺高松更踈峯
形疑鳥翅塞路似狼居矚望情無已詞殫意有餘

奉和發黃河應教

前人

大蕃連帝室驂駕奉皇猷未明驅羽騎凌晨方畫舟津
城度維錦岬柳夾緹油鍾聲颺別島旗影照蒼流早光
生劍服朝風起節樓滔滔細波動商商輕舫浮迴橈避
近磧放舳下前洲全疑上天漢不異謁蓬丘望知雲氣
合聰識水聲秋從軍何等樂喜從神仙遊

梅夏應教

薛道衡

長廊連紫殿細雨應黃梅浮雲半空上清吹隔池來集
鳳桐花散勝龜蓮葉開幸逢為善樂頻降食時才

奉和晚日揚子江應教

柳顧言

大江都會所長洲有舊名西流控岷蜀東泛邇蓬瀛未
覩纖羅動先聽遠濤聲濛濛雲色晦泱泱浪花生欲知
暮雨歇當觀飛旆輕

詠寒食闔雞應秦王教

杜淹

寒食東郊道揚鞞競出籠花冠初照日芥羽正生風顧
敵知心勇先鳴覺氣雄長翹頻掃陣利距屢通中飛毛

卷九
十一
庾文鳳
遍綠野灑血散芳藪雖然百戰勝會自不論功

和望月應魏王教

褚亮

層軒澄皎月流照滿中天色共隋珠遠光隨趙璧圓落
影臨秋扇虛輪入夜弦所忻東館裏預奉西園篇

奉和梁王宴龍泓應教

宋之問

水府淪幽壑星軺下太微鳥驚司僕馭花落侍臣衣芳
樹搖春晚晴雲繞座飛淮王正留客不醉莫言歸

宴龍泓

武三思

登臨開勝託眺矚盡良遊岳萼縈紆上澄潭屈曲流泛
清興洽折桂野文道別後相思處崎嶇碧澗幽

勅借岐王九成宮避暑應教

王維

帝子遠辭丹鳳闕天書遙借翠微宮隔窓雲霧生衣上
卷幔山泉入鏡中林下水聲喧語笑巖閣樹色隱房櫳
仙家未必能勝此何事吹笙向碧空

從岐王過楊氏別業應教

前人

揚子談經處淮王載酒過興闌啼鳥緩坐久落花多逕
轉迴銀燭林開散玉珂嚴城時未啓前路擁笙歌
從岐王夜宴衛家山池應教

前人

應教部
卷九
十一
座客香貂滿宮娃綺幔張澗花輕粉色山月少燈光積
翠紗窓暗飛泉繡戶涼還將歌舞出歸路莫愁長應教以上

苑詩類選卷之九終

苑詩類選卷之十

明監察御史包節輯按察司知事前給事中王交校

朝省部

趨朝

寓直

○守東華開門

梁簡文帝

脂車向馳道撓轡息東華落關猶待漏交戟未通車薄
雲初啓雨曙色始成霞塹流鋪紫若城風泛橘花絃誦
終無取顧已自懷嗟

早朝車中聽望

何遜

詰旦鐘聲罷隱映禁門通遽車響北闕鄭履入南宮宿
露開馳道初日照相風胥徒紛絡繹騶御或西東

入朝守門開

王褒

直城通複道嚴駕早凌晨鐵符行警曙銀燄未開闔
暗城無影晴新路不塵屯兵引畫劍騎吹動班輪徒知
仰睿藻抽辭慙未伸

奉和從叔光祿元日早朝 李元操

銅渾變春節玉律動年灰曉曉城霞旦隱隱禁門開
衆靈湊僊府百神朝帝臺葉令雙鳧至梁王駟馬來
戈鋌映林闕歌管沸塵埃保章望瑞氣尚書滅火災
冠冕多秀士簪裾饒上才誰憐張仲蔚日暮返蒿萊

賦得謁帝承明廬 江惣

霧開仁壽殿雲曉承明廬輪停緝慙引馬度紅塵餘香
貂拜黻衮花綬拂玄除謁帝升清漢何殊入紫虛

正日臨朝 唐太宗

條風開獻節灰律動初陽百蠻奉遐書萬國朝未央
雖無禹舜跡幸欣天地康車輿同八表書文混四方
赫奕儼冠蓋紛綸盛服章羽旄飛馳道鍾鼓震巖廊
組練輝霞色霜戟照朝光晨宵懷至理終愧撫遐荒

奉和前聖製 魏徵

百靈侍軒后萬國會塗山豈如今睿哲邁古獨光前
聲教溢四海朝宗引百川鏘洋鳴佩玉灼爍耀金蟬
淑景

輝雕輦高旌揚翠烟庭實超王會廣樂盛鈞天既欣東
戶日復詠南風篇願奉光華慶從斯萬億年

又

顏師古

七政璿衡始三元寶曆新負宸延百辟垂旒御九賓肅
肅皆鵷鷺濟濟盛纓紳天涯致重譯日域獻奇珍

又

李百藥

化曆昭唐典承天順夏正百靈警軒禁三辰揚旆旌克
庭富禮樂高宴蒞簪纓獻壽符萬歲移風韻九成

又

岑文本

時雍素昌運日正叶靈符德兼三代禮功包四海圖踰

沙紛在列執玉儼相趨清蹕喧輦道張樂駭天衢拂蜺
九旗映儀鳳八音殊漉氣浮僊掌薰風繞帝梧天文光
七政皇恩被九區方陪瘞玉禮珥筆岱山隅

凌晨早朝

虞世南

萬戶韶光曙重簷夕霧收玉花停夜燭金壺送曉籌日
暉青瑣殿霞生結綺樓重門啓應路通籍引王侯

同潘屯田冬日早朝

張文琮

假寐懷古人夙興瞻曉月通晨禁門啓冠蓋趨朝謁霜
靄清九衢霞光照雙闕紛綸文物紀煥爛聲名發腰劔
動陸離鳴玉和清越

春晚看群公朝還人爲八韻

陳子良

遊子惜春暮策杖出蒿萊正值康莊晚群公謁帝迴履
度南宮至車從北闕來珂影傍明月笳聲動落梅迎風
采眊轉照日綬花開紅塵掩鶴蓋翠柳拂龍媒綺雲臨
舞閣丹霞薄吹臺輕微寧所羨未若反山隈

同席舍人早朝

沈佺期

閭闔連雲起岩廊拂霧開玉珂龍影度珠履鴈行來長
樂宵鍾盡明光曉奏催一經傳舊德五字擢英才儼若
神僊去紛從霄漢迴千春奉休曆分禁喜趨陪

和崔正諫秋日早朝

前人

鷄鳴朝謁滿白露禁門秋爽氣臨旌戟朝光映冕旒河
宗來獻寶天子命焚裘獨負池陽議言從建禮遊

早朝

鄭愔

瑞闕龍車峻宸遊鳳掖深才良寄天綽趨拜侶朝簪飛
鴈看成影喧車識駐音重軒輕霧入洞戶落花侵聞有
題新翰依然想舊林同聲慙卞玉謬此託常金

又

徐彥伯

夕轉清壺漏晨驚長樂鍾逶迤綸禁客假寐守銅龍予
亦趨三殿肩隨謁九重繁珂接曙響華劍此春容相間

韶光歇彌憐芳意濃願言乘日曜携手即雲從

又

帝元旦

震維方月季宸極衆星尊佩玉朝三陛鳴珂度九門挈
壺分早漏伏檻耀初暎北倚蒼龍闕西臨紫鳳垣詞庭
草欲奏温室樹無言鮮翰空爲忝長懷聖主恩

敬和崔尚書大明朝堂雨後南山見示之作

蘇頲

奕奕軒車至清晨朝未央未央在霄極中路視咸陽委
曲漢京近周迴秦塞長日華動涇渭天翠合岐梁五丈
旌旗色百層扮棨光東連歸馬地南指闢鷄塲晴壑照

金埒秋雲含璧璫由余窺霸國蕭相奉興王功後隱不
見頌聲存復揚權宜珍構絕聖作寶圖昌在德期巢燧
居安法禹湯冢卿才順美多士賦成章價重三臺俊名
超百辟良焉知掖垣下陳力自迷方

權宜珍構
絕疑悞

早朝

王維

柳暗百花明春深五鳳城城鷗睥睨曉宮井轆轤聲方
朔金門侍班姬玉輦迎仍聞遣方士東海訪蓬瀛

春日直門下省早朝

前人

騎省直明光鷄鳴謁建章遙聞侍中珮暗識令公香玉
漏隨銅史天書拜夕郎旌旗映閭闔歌吹滿昭陽官舍

梅初紫宮門柳欲黃願將遲日意同與聖恩長

早朝大明宮

前人

絳幘鷄人報曉籌尚衣方進翠雲裘九重闔闔開宮殿
萬國衣冠拜冕旒日色纔臨僊掌動香烟欲傍袞龍浮
朝罷須裁五色詔佩聲歸向鳳池頭

又

賈至

銀燭朝天紫陌長禁城春色曉蒼蒼千條弱柳垂青瑣
百轉流鶯遶建章劔珮聲隨玉墀步衣冠身惹御爐香
共沐恩波鳳池裏朝朝染翰侍君王

又

岑參

鷄鳴紫陌曙光寒鶯囀皇州春色闌金闕曉鍾開萬戶
玉階僊仗擁千官花迎劔珮星初落柳拂旌旗露未乾
獨有鳳凰池上客陽春一曲和皆難

又

杜甫

五夜漏聲催曉箭九重春色醉僊桃旌旗日暖龍蛇動
宮殿風微燕雀高朝罷香烟携滿袖詩成珠玉在揮毫
欲知世掌絲綸美池上于今有鳳毛

紫宸殿退朝口號

前人

戶外昭容紫袖垂雙瞻御座引朝儀香飄合殿春風轉
花覆千官淑景移晝漏稀聞高閣報天顏有喜近臣知

宮中每出歸東省會送夔龍集鳳池

聞漏

王岳靈

建禮含香處重城待漏臣徐聞傳鳳詔曉唱辨鷄人銀
箭殘將盡銅壺漏更新催籌當午夜移刻及三辰杳杳
從天遠泠泠出禁頻直宜殘漏曙肅肅對鈞陳

早朝日寄所知

錢起

長安歲後見歸鴻紫禁朝天拜舞同曙色漸分雙闕外
漏聲遙在百花中爐烟乍起開僊仗玉佩成行引上公
共荷發生同雨露不應黃葉又隨風

春日早朝應制

竇叔向

紫殿俯千官春松應合歡御爐香焰煖馳道玉聲寒乳
燕翻珠綴祥鳥集露盤宮花一萬樹不敢舉頭看

和耿拾遺元日觀早朝

司空曙

元日爭朝闕奔流若會溟路塵和薄霧騎火接低星門
響雙魚鑰車喧百子鈴冕旒當翠殿幢戟滿彤庭表歲
方編瑞乘春即省刑諸侯陳禹玉司曆貢堯奠壽酒三
觴退簫韶九奏停太陽開物象霈澤及生靈南陌高山
碧東方曉氣清白憐楊子賤歸草太玄經

以上
趨朝

○寓直中庶坊贈蕭洗馬

王筠

龍樓實九重薄寒殊復早玉階泫清露銅池結泮潦霜

朝省詩 卷十
被守宮槐風驚護門草之子擅文華縱橫賦辭藻舒錦
慙光麗握珠謝竒寶愧予非工文何用披懷抱

冬夜酬魏收直史館

邢子才

年病縱橫至動息不自安兼葦未能飽重裘詎解寒况
乃冬之夜霜氣有餘酸風音響北牖月影度南端燈光
明且滅燭花新復殘衰顏依俛改壯志與時闌體羸不
盡帶髮落強扶冠夜行將欲近夕息故無寬忽有清風
贈辭氣婉如蘭先言歎三友次言慙一官嚴藻高鄭衛
專學美齊韓審喻雖有屬筆削少能干高足自無限積
風良可搏空想青門易寧見赤松難寄語東山道高駕

尚盤桓

中書寓直詠雨簡褚起居上官學士

楊師道

雲暗蒼龍闕沉沉殊未開窓臨鳳凰沼颯颯雨聲來電
影入飛閣風威凌吹臺長簷響奔溜清簟肅浮埃早荷
葉稍沒新篁枝半摧茲晨悵多緒懷友自難裁况復重
城內日暮獨徘徊玉階良史筆金馬揆天才高覺通散
騎複道架蓬萊思君贈桃李於此冀瓊瓌

和楊舍人詠中書省花樹 張文琮

華萼映春叢參差間早紅因風時落砌雜雨乍浮空影

照鳳池水香飄雞樹風豈不愛攀折希君懷袖中

和騫右丞省中暮望

楊炯

故事間臺閣僊門謁已深
舊章窺複道雲幌肅重陰
玄律葭灰變青陽斗柄臨
年允搖樹色春氣遶蘭心
風響高窓度流痕曲岸侵
天明總樞轄人鏡辯衣簪
日暮南宮靜瑶華振雅音

和杜侍御太清臺宿直有懷

李嶠

貂冠朝彩振烏署曉充分欲嘯
遷喬侶先飛擲地文庭
虛麥雨潤林靜蕙風薰
嵇駕終難仰梁鳧且自群

直中書省

常承慶

清切鳳凰池扶踈雞樹枝
唯應集鸞鷲何爲宿羈雌
大造乾坤闢深息雨露垂
蛟龍既含養駑駘亦驅馳
木偶翻爲用芝泥忽濫窺
九思空自勉五字本無施
徒喜逢千載何階荅二儀
螢亮向日盡蚊力負山疲
禁宇庭除澗閒宵鍾箭移
暗花臨戶發殘月下簾欹
白髮隨身改丹心爲主披
命將時并恭言與行俱危
寄謝登巢客堯年復在斯

和蘇貞外寓直

喬知之

自昔重爲郎伊人練國章
三旬登建禮五夜直明光
墨

草尚書奏衣飄侍御香開簾竹氣靜拂簟蕙風涼曉漏
離閭闔鳴鍾出未央從來宿臺上天子貴文強

自考功員外授給事中

沈佺期

南省推丹地東曹拜瑣闥惠移雙管筆恩降五時衣出
入宜真選遭逢每濫飛器慙公理拙才謝子雲微案牘
遺常禮朋寮隔等威上台行揖讓中禁動光輝旭日千
門啓初春八舍歸贈蘭聞宿昔談樹隱芳菲何幸鹽梅
處唯憂對問機省躬知任重寧止冒榮非

酬楊給事廉見贈省中

前人

子雲推辯博公禮擅詞雄始自尚書省旋聞給事中言

從溫室秘籍向瑣闥通顧我叨郎署慙無草奏工分曹
八舍斷解袂五時空宿昔陪餘論平生賴擊蒙神僊應
東掖雲霧限南宮忽枉瓊瑤贈長歌蘭渚同

同蘇員外味道夏晚寓直省中

前人

竝命登僊閣分宵直禮闈大官供宿膳侍史護朝衣卷
幔天河入當階月露微小池殘暑退高樹早涼歸冠劍
無時釋軒車待漏飛明朝題漢柱三署有光輝

奉和姚給事寓直之作

宋之問

清論滿朝陽高才拜夕郎還從避馬路來接珥貂行寵

就黃扉日威迴白簡霜栢臺遷鳥茂蘭署得人芳禁靜
鍾初徹更踈漏漸長曉河低武庫流火度文昌寓直光
輝重乘秋藻翰揚暗投空欲報下調不成章

和庫部李員外秋夜寓直之作

前人

相庭貽慶遠才子拜郎初起草移僊閣焚香卧直廬更
深河欲斷節勁柳偏踈氣耿凌雲筆心搖待漏車叨榮
厠儔侶循已恧空虚徒斐陽春和難參麗曲餘

同徐員外除太子舍人寓直之作

郭元振

太子擅元良宮臣命偉長除榮辭會府直宿揔書坊露
濕幽岩桂風吹便坐桑閣連雲一色池帶月重光葉死
蘭無氣荷枯水不香遙聞秋興作言是晉中郎

春夜寓直鳳閣懷群公

魏知古

拜門傳漏晚寓省索居時昔重安仁賦今稱伯玉詩鴛
池滿不溢雞樹久逾滋夙夜懷山甫清風詠所思

秋夜寓直中書呈黃門舅

蘇頲

簾櫳上夜鈎清切聽更籌忽共雞枝老還如騎省秋循
庭喜三友對渚憶雙遊紫綬名初拜黃纁迹尚留月舒
當北幌雲賦直東樓思渥迷天施童蒙慰我求遲君台

鼎節聞義一承流

春晚紫薇省直贈內

前人

直省清華接建章向來無事日猶長
花間鶯子栖鳩鵲竹下鷓鴣繞鳳凰
內史通宵承紫誥中人落晚愛紅粧
別離不慣無窮意莫候卿卿學太常

和崔黃門寓直夜聽蟬之作

張九齡

蟬嘶玉樹枝向夕蕙風吹率入連雲閣
應緣飲露知秋深思欲近聲靜夜相宜
不是黃金飾清音徒爾爲

和許給事直夜簡諸公

前人

未央鍾漏晚僊宇藹沉沉武衛千廬合
嚴扃萬戶深左掖知天近南軒見月臨
樹搖金掌露庭徙玉樓陰他日聞更直
中宵屬所欽聲華大國珪夙夜近臣心
逸興乘高閣雄飛在禁林寧思竊抃者
情發爲知音

酬通事王舍人寓直見示篇中兼起居陸舍

人

前人

軒掖殊清秘才華固在斯興因高澤灑
情與惠風吹所美應人譽何私亦我儀
同聲感喬木比翼謝長離價以陸生減
賢慙鮑叔知薄遊常獨媿芳訊乃兼施
此夜金闈籍伊人瓊樹枝飛鳴復何遠
相顧幸媿媿

秋夜寓直即事述懷贈蕭令公裴侍郎兼通
簡南省諸友人
王灣

聖主萬年興賢臣數載升古靈傳嶽秀宏量稟川澄畿
甸舉長策風霜秉直繩出車逢俗震登閣滿朝稱賦簡
流亡輯農安政理憑還家新長幼巡隴舊溝塍忠鯁大
勲立寰瀛墮業懲焚香兼御史懸鏡委中丞襖隼當朝
立臺驄發郡乘司徒漢家重國典潁川徵雲路俄平入
台階忽上凌秉鈞司造化宣綽慰黎蒸金省方秋作瑤
軒直夜凭中書贈陳準右相簡王陵三傑賢更稷百僚
歡且兢遙懷及賓友計曲辯淄澠閭闔暝陰散鈞陳爽

氣疑月深宮樹轉河近禁樓冰早吏夙驅策微涓效斗
升望麾宵繼火書板曙懷丞彼此雖流盼規模轉服膺
惠將霄漢隔勞或歲時矜位重思寧濫才輕懾不勝林
戀甘獨徃疵賤苦相仍敢忘啣花雀思同附驥蠅平生
逐鳥雀何日似蒼鷹

夏晚初霽南省寓直
庾狄履温

薄宦因時忝涼宵寓直初沉沉僊閣閉的的暗更徐霽
色連霄上炎氛入夜除星迴南斗落月度北窓虛待漏
殘燈照含芳襲氣餘寐來冠不解奏罷草仍書幕府慙
良策明曹媿散樗命輕徒有報義重更難踈燕厦欣成

託鵝行濫所如晨趨當及早復此戒朝車

同張少府和前

寇坦

黃綬歸休日僊郎復奏餘宴居當夏晚寓直會晴初露
散星文發雲披水鏡虛高才推獨唱嘉會喜連茹月色
搖春闈香煙靄暝廬千門傳夜警萬象照階除少孺嘉
能賦文強閱賜書兼曹謀未展入幕志方攄為奉靈臺
帛恭先待漏車貞標不可仰空此樂樵漁

翰林讀書言懷呈集賢院內諸學士

李白

晨趨紫禁中夕待金門詔觀書散遺帙探古窮至妙片

言苟會心掩卷忽而笑青蠅易相點白雪難同調本是
踈散人屢貽福促誚雲天屬清朗林壑憶遊眺或時清
風來閑倚簷下嘯嚴光桐廬溪謝客臨海嶠功成謝人
間從此一投釣

奉和許給事夜直簡諸公 崔顥

西掖黃樞近東曹紫禁連地因才子拜人用省郎遷夜
直千門靜河明萬象懸建章宵漏急閭闔曉鍾傳寵列
貂蟬坐息深侍從年九重初起草五夜即成篇顧已無
官次循涯但自憐遠陪蘭渚作空此仰神僊

冬夜寓直麟閣

王維

直事披三省重關秘七門廣庭憐雪靜深屋喜爐溫月
幌花虛馥風窓竹暗喧東山白雪意茲夕寄琴樽

和崔員外秋宵寓直

前人

建禮高秋夜承明候曉過九門寒漏徹萬井曙鍾多月
迥藏珠斗雲開出絳河更慙衰朽質南陌共鳴珂

和戶部楊員外伯成寓直 李愷

落日彌綸地公才畫省郎詞驚起草筆坐引護衣香雙
闕天河近千門夕漏長遙知臺上宿不獨有文強

西省即事

岑參

西掖重雲開曙輝北山踈雨點朝衣千門柳色連青瑣

三殿花香入紫微平明端笏陪鴛列薄暮垂鞭信馬歸
官拙自悲頭盡白不如巖石偃荆扉

晚出左掖

杜甫

晝刻傳呼淺春旗簇仗齊退朝花底散歸院柳邊迷樓
雪融城濕宮雲去殿低避人焚諫草騎馬欲雞栖

春夜宿左省

前人

花隱掖垣暮啾啾林鳥過星臨萬戶動月傍九霄多不
寢聽金鑰因風想玉珂明朝有封事數問夜如何

和謝舍人雪夜寓直

錢起

禁省夜沉沉春風雪滿林滄洲歸客夢青瑣近臣心揮

翰宣鳴玉承恩在賜金建章寒漏起更助掖垣深

和苗員外寓直中書

包何

朝列稱多士君家有二難貞為臺裏栢芳作省中蘭夜
直分曹闕晨趨接武歡每憐雙闕下鴈序入鴛鸞

和都官苗員外秋夜寓直對兩簡諸知己

李嘉祐

多雨深宮夜僊郎寓直時漏長丹鳳闕秋冷白雲司
影侵階亂鴻聲出苑遲蕭條吏人散小謝有新詩

晚秋集賢院即事寄徐薛二侍郎

常袞

穆穆上清居沉沉中秘書金鋪深內殿石甃淨寒渠花
樹臺斜倚宮煙閣半虛縹囊披錦繡翠軸卷瓊琚墨潤
水文爾香銷蠹字魚翻黃桐葉老吐白桂花初舊德雙
遊處聯芳十載餘北朝榮庾薛西漢盛嚴徐侍講親華
宸徵吟步綺踈綴簾金翡翠賜硯玉蟾蜍序秩東南遠
離憂歲月除承明期重入江漢意何如

奉和前

司空曙

藹藹鳳凰宮蘭臺玉署通夜霜凝樹羽曉日照相風官
附三台貴儒開百代宗司言陳禹命侍講發堯聰香卷
青編內鉛分綠字中綴籤從太史鏘珮揖群公池接天

泉碧林交御果紅寒龜登故葉秋蝶戀踈藜顏謝徵文
竝鍾裴直事同離群驚海鶴屬思怨江楓地遠姑蘇外
山長越絕東慙當哲匠後下曲本難工

又

盧綸

綸閣九華前森沉綵仗連洞門開旭日清禁肅秋天霜
滿朝容備鍾餘曉漏傳搖瑤陪羽扇端弁入爐烟麟筆
刪金篆龍綃薦玉編汲書首勗定漢史蔡邕專御竹潛
通筍宮池暗瀉泉亂藜紫弱蕙墜葉灑枯蓮列署齊遊
日重江竝謫年登封待議草侍講憶同筵滄海風濤廣
黝山瘴雨偏唯應緘上寶贈遠一呈妍

和王負外冬夜寓直

前人

高步長裾錦帳郎居然自是漢賢良潘岳叙年因鬢髮
楊雄託諫在文章九天韶樂飄寒月萬戶香塵裛夜霜
坐見重門儼朝騎可憐雲路好翱翔

酬金部王郎中省中春日 前人

南宮樹色曉森森雖有春光未有陰鶴侶正宜芳景引
玉人那爲簿書沉山含瑞氣偏當日鷲逐輕風不在林
更有阮郎迷路處萬株紅樹一溪深

晚秋陪崔張二閣老苗考功同遊昊天觀時

楊閣老新直未滿以詩見寄酬和

權德輿

方駕遊何許僊源去似歸縈迴留勝賞蕭灑出塵機
泛菊賢人至燒丹姹女飛步虛清曉籟隱机吸晨輝竹逕
琅玕合芝田沆瀣晞銀鈎三洞字瑤笥六銖衣屢句翻
紅藥佳期限紫微徒然一相望郢曲和應稀

暮春日南臺承再除給事中

仍是本廳几榻
杖履宛然如舊

薛存誠

再入青瑣闈忝官誠自非拂塵驚物在開戶待僧歸
積草漸蕪逕殘花猶灑衣禁闈偏日近行坐是恩輝

苑詩類選卷之十終



